

## San Pablo Timoteo'te jo'e chũ'o tocha saosi'ea'me

### *Chũ'o saosi'ea'me*

<sup>1</sup> Chũ'u, Pablo, Diopi chiiuna maire Jesucristo'te cuasanare Repau, "Chũ'una'me si'arumu pa'iche'te ĩsija'mu chũ'u", chiisi'ere chũ'vakũ paaũ chini Jesucristo saosi'kũpi ija'ova utija'ova tocha saomu

<sup>2</sup> mũ'ũre, Timoteo'te, chũ'u chĩũja'ũjekũna chũ'u cuasakũ'te. Mai Ja'kũ Diona'me Maire Paakũ Jesucristo oiũ rũa re'oja'che pa'iche'te cho'okaau mũ'ũre re'oja'che paaũ chini.

### *Dios chũ'o chũ'vache'te chũ'ũmũ*

<sup>3</sup> Chũ'u aipãi cho'okaisi'ēja'che cu'ache cho'omaũ suma'kũ pa'imaũ, Diore cho'okaikũ'mũ chũ'u. Umucujñana'me ñami Repaũni mũ'ũni si'arumu sũekaiũ, "Re'orepamũ, Ja'kũ", chiiũ pa'imũ chũ'u Repau'te.

<sup>4</sup> Mũ'u chũ'u jo'ka rairumu oisi'ere cuasakũ mũ'ũna'me pa'ũ pojora chini ñaneemũ chũ'u mũ'ũre.

<sup>5</sup> Ũcuachi'a mũ'u Diore masirepa cuasakũ pa'iche cuasamũ chũ'u. Mũcu'eo Loidana'me mũa'ko Eunice charo Repau'te cuasajũ jovosinaa'me. Chura mũ'u ũcuachi'a repaña cuasacheja'che cuasamũ Repau'te.

<sup>6</sup> Jã'ajekũna chũ'u mũ'ũre jũjñapi jarumu mũ'ũpi cho'omasia'kũ chini Dios mũ'ũre

jo'kasi'ere cho'okũ che'che na'a rua cho'okũ pa'ijũ'u, chiimũ chũ'u mũ'are.

<sup>7</sup> Dios maire vajuchũrekoñoã paaajũ chini jo'kama'mũ. Maipi rūhiñe cuasa masijũ cu'ache cho'oma'ñe re'oja'che pa'ijũ chekũnani ña oijũ re'oja'che cho'okaijũ paapũ chini cho'okaimũ Dios maire.

<sup>8</sup> Jã'ajekũna Maire Paakũ pa'iche chekũnare chũ'vavajuchũma'ñe chũ'vajũ'u. Ũcuachi'a chũ'u Repaũ chũ'o chũ'vakũjekũ pãi chẽavũ'e cuaocojño pa'iche'te cuasakũ vajuchũma'ñe cu'ache ti'jñecojnokũta'ni Diopi cho'okaiũna Jesucristo'te cuasache kũachũ'ore chũ'ũna'me pojokũ chũ'vakũ pa'ijũ'u.

<sup>9</sup> Repaũ Dios maire vati toa sani uuche ãsekũ chẽa paakũ'mũ, maipi Repaũ neena pa'ijũ re'oja'che paapũ chini. Mai re'oja'che cho'osi'ejekũna chẽasi'emaaũsomũ jã'a. Rupa Repaũ'te uache cho'osi'easomũ jã'a. Maire oia jã'aja'ñe cho'okani chẽa paajache chuta'a cheja peorũmũna cuasa Jesucristoni rao cho'okasa chiniasomũ Dios.

<sup>10</sup> Chura mai cu'are jũni ro'ikaau chini Ũcuauũni rao Repaũ maire oia cho'okasa chiisi'e kũacuhasi'kũa'mũ Repaũ. Jesucristo'te cuasache kũachũ'o asa chẽasinajejũ ie masime mai chura: Jesucristo cho'okaisi'ejekũna mai jũnisosirũmũ cu'anareta'ni toa saima'ñe Repaũ pa'ichejana ai sani Ũcuauũna'me re'oja'che pa'ire'oche.

<sup>11</sup> Dios chũ'ure jã'are kũakũ paaũ chini chũ'u jo'kasi'kũa'mũ, Jesucristo saosi'kũ pa'ia Repaũ chũ'ore ku'ia che'chokũ paaũ chini.

<sup>12</sup> Chura repachũ'o che'chokũjekũ cu'ache

cho'ocojñokũ pãĩ chẽavũ'ere cuaorena pa'imũ chũ'ũ. Jã'ata'ni chũ'ũ Repaũ Jesucristo kuiramasikũ re'oja'che pa'iche masakũjekũ vajũchũma'mũ. Repaũ jo'e rairũmũjatu'ka Ũcuauji masi kuirakũna re'oja'che pa'ija'mũ chũ'ũ.

<sup>13</sup> Chũ'ũ mũ'ũre che'chosiere Dios chũ'o ũcuarepare che'chokũ pa'ijũ'ũ repacheja pa'inare. Ũcuachi'a Jesucristoni masirepa cuasakũ chekũnare pãĩ oiũ re'oja'che cho'okaiũ pa'ijũ'ũ.

<sup>14</sup> Dios Rekocho mai rekoñoã ja'me Pa'irekochoji cho'okaiũna Repaũ mũ'ũre chũ'vaa'kũ chini chũ'ũ jo'kasi'ere Repaũ chũ'ore masi chũ'vakũ pa'ijũ'ũ.

<sup>15</sup> Asia cheja cana ũcuanũko Figelona'me Hermógenejatũ'ka chũ'ũre cho'okaicuheju jo'kasosi'e masimũ mũ'ũ.

<sup>16</sup> Jã'ata'ni Onesíforore chũ'ũre ruarepañoã chũ'ũ chiimajñaruã re'oja'che kuirasi'kũre Diopi oiũ re'oja'che cho'okaau, repaũ neenare ũcuachi'a. Icheja pa'irũmũ chũ'ũre pãĩ chẽavũ'e pa'ikũ'teta'ni vajũchũma'ñe ja'me pa'isi'kũa'mũ repaũ.

<sup>17</sup> Repaũ ijoopo Roma vũ'ejoopo apetu'asirũmũ vajũchũma'ñe chũ'ũre jñaañejatu'ka ruã jeerũmũ ku'esi'kũa'mũ repaũ.

<sup>18</sup> Ũcuachi'a repaũ Efeso vũ'ejoopo pa'irũmũ repaũ chũ'ũre ruã re'oja'che cho'okaisi'e pe-ore masimũ mũ'ũ. Maire Paakũ Dios Repaũ pãĩ ũcuanũko cho'osi'e ro'iche chũ'ũmucuse chũ'ũre re'oja'che cho'okaisi'e ro'i repaũ'te ña oiũ ruã re'oja'chere ñsia'kũ.

*Sōtao re'okũ cho'ocheja'che Jesucristo'te cho'oche cho'okaiche'te kũamũ*

## 2

<sup>1</sup> Mũ'ũ, Timoteo, chũ'ũ chĩija'ia, Jesucristo mũ'ũre cho'okaiche re'oja'che cho'o koka paajũ'ũ.

<sup>2</sup> Chũ'ũ mũ'ũna'me chekũna jainũko asajũ'te che'chosie asa chẽa ũcuarepa cho'okũ chekũnare che'chomasinare che'chojũ'ũ, asa chẽa che'chojũ paapũ.

<sup>3</sup> Sōtao re'okũ pa'ivesache pa'itojẽ'e pojokũ masi cho'okũ pa'icheja'che pa'ia Jesucristoni cuasakũna mũ'ũre cu'ache ti'jñeñe cuhema'ñe ũcua pojokũ cho'oche cho'okaiũ pa'ijũ'ũ Repaũ'te.

<sup>4</sup> Sōtaopãi te'eũjẽ'e repanare Ʃache cho'oma'ñe pa'ijũ repanare chũ'ũna chũ'ũñechi'a cho'ome repanapi poja'ju chini.

<sup>5</sup> Vi'topũ apena ũcuaja'che vi'to apeche chũ'ũna chũ'ũñe'te peore masi cho'omaneni cajejaima'me.

<sup>6</sup> Pãiu cho'oche rũa cho'okũ repaũ chio ãu tãsi'kũ ãu kũirũmũ ũcuauji charo tua ãimũ repa.

<sup>7</sup> Peore jã'a chotemajña chũ'ũ i'ka kuasi'e asa cuasakũ che'chekũ pa'ijũ'ũ. Jã'aja'ñe cho'oni Maire Paakũ Diopi cho'okaiũna asamasija'mũ mũ'ũ.

<sup>8</sup> Jesucristo pa'isi'ere cuasajũ'ũ. Aperũmũ pa'ia pãi chũ'ũsi'kũ David jojocojñosi'kũa'mũ Repaũ. Chuenisosi'kũta'ni Diopi vasoũna jo'e vajũraisi'kũa'mũ. Ũcua kũache'te Repaũ Jesucristo'te cuasache kũachũ'ore chũ'vakũ pa'ikũ'mũ chũ'ũ.

9 Repachũ'o chũ'vakũjekũ cu'ache cho'ocojñokũ pãĩ chẽavũ'ere pa'ia cu'ache cho'osi'kũre quẽo suocheja'che cunamepi quẽo suocejñosi'kũ pa'imũ chũ'u. Jã'ata'ni Dios chũ'o chũ'vacheta'ni ũsecu'amũ pãĩ.

10 Jã'ajekũna Repaũni cuasaku rũa cu'ache cho'ocojñokũta'ni Repaũ chũ'o ũcua masi chũ'vakũ pa'imũ chũ'u, Repaũ chẽa paajanapi asa chẽa Jesucristoni cuasajũ jovo Ũcuaũna'me si'arũmũ re'oja'che paaru chini.

11 Ie chũ'o rũa ũcuarepa'me:  
Maipi Repaũni cuasajũ cu'ache cho'ocojñoni  
Ũcuaũna'me jũnisisinaja'ñe pa'ijũ  
Repaũna'me si'arũmũ re'oja'che pa'ijanaa'me.

12 Cu'ache ti'jñecojñonata'ni maipi Repaũni  
ũcua cuasani  
Ũcuaũna'me pa'ijũ pãire chũ'ujanaa'me.  
Jã'ata'ni maipi Repaũ'te cuasache'te  
kuavajũchũjũ,

“Repaũ'te cuasamanaa'me chũkũna”, chiito  
maire ũcuaja'che sãĩñe,  
“Chũ'u neenama'me ina”, chiija'mũ Repaũ.

13 Maire Repaũ chũ'ũñe masirepa re'oja'che  
cho'ojũ pa'imanareta'ni  
ũcua re'oja'che cho'okũ pa'ikũ'mũ Repaũ,  
ũcuarepa pa'ia ũcuarepa cho'ochечи'a  
masikũjekũ.

*Diopi pojoa'kũ chini Repaũ chiiche masi  
cho'okaikũ pa'iche'te kuamũ*

14 Ie chũ'u chũ'vachũ'o repacheja pa'inare  
si'arũmũ chũ'vakũ pa'ijũ'u, cavesũma'ñe cuasajũ  
paaru. Ũcuachi'a mai vesũche'te repaña

sãinechi'a cutujũ ke'reche Dios asaku'te ãsejũ'u repanare. Jã'aja'ñe i'kachũ'o na'a re'oja'che pa'iche che'chochũ'oma'mũ. Jã'aja'ñe i'kache si'arũmũ asana pãi rupũ cacu'asome.

15 Mũ'ure peore cho'ore'ochetũ'ka Dios chiiche'te cho'okũ pa'ijũ'u, Ũcuauji mũ'uni pojoa'kũ. Jã'aja'ñe cho'okũ pani Repau chũ'o ũcuarepa vajũchũma'ñe chekũnare rũhiñe che'chomasija'mũ mũ'u.

16 Diore cuasamana peoche i'kachũ'o i'kama'ñe pa'ijũ'u. Jã'aja'ñe i'kana si'arũmũ na'a rũa cu'ache cho'ojũ pa'inaa'me.

17 Repana che'chochũ'o phũ'karavũ chachakũ saicheja'che cu'achejekũna repachũ'o asana cacu'asojũ pa'ime. Himeneona'me Fileto ũcuare peoche chũ'ore che'chojũ pa'ime.

18 Dios chũ'o ũcuarepare cuhejũ chura tĩñere jorechũ'ore che'chojũ pa'ime repana, ija'che i'kajũ: “Pãi jũnisosina vajũraimanejanaa'me; Jesure jovorũmachi'a repana rekoñoã vaso-cojñoñe pa'imũ repanare”, chiijũ. Jã'aja'ñe i'kajũ jorejũ che'chojũ pãi te'enare Jesure cuasanare cacũ'osojũ pa'ime repana.

19 Jã'ata'ni Dios chũ'o ũcuarepajekũ ai pa'iche, ija'che kũamũ:

Maire Paakũ Dios Repau neerepanare masimũ.

Ũcuachi'a,

Repanare re'oja'che cho'okaau chini Repau'te sēenare ija'che i'kamũ Dios:

“Cu'ache cho'ochẽ peore ũhasoche pa'imũ mũsanũkonare”, chiimũ.

Jã'aja'ñe kũamũ Repau chũ'o tocha jo'kasi'e.

20 Pāi pa'ivũ'e ɯjavũ'e sa'navũ pa'imajñaruã pachokurina'me pokuri cho'osimajñaruãchi'a pa'ima'ñe chooko'ñana'me toto cho'osimajñaruã pa'imũ. Repa te'emajñaruã si'aumucujña cho'oche cho'oju paamajñaruãa'me. Cheke na'a re'ojamajñaruãta'ni cho'oche cho'omaumucujñachi'a pojoju cho'oju paamajñaruãa'me.

21 Pāiũ'te cu'ache cho'oche peore ũhasosi'kure re'ojamajñaruãja'ñe pa'ikujekuna Maire Paaku Dios chiiche re'oja'che ũcuauache cho'ore'omũ.

22 Jã'ajekuna pōsupāi cu'ache cho'ouache cuasache'te jɯvokũ cho'oma'ñe re'oja'che pa'iu Dioni masi cuasakũ cavama'ñe pa'iu, chekunare oiũ re'oja'che cho'okaiũ pa'ijũũ, re'ojarekoñõã paaju Diore sēenana'me.

23 Mai vesuche'te cutuju pāi sãiñechi'a ke'rechũ'o asakũ pa'imanejũũ. Repachũ'o cutuna ruã cavaju pa'inaa'me.

24 Maire Paaku'te cho'oche cho'okaiku'te cava-neema'ñe pa'iu pāi ũcuaukore re'oja'che ja'me pa'iche pa'imũ. Ũcuachi'a che'chomasikũ na'mi pe'ruma'kũ paau repau.

25 Ũcuachi'a pāi repau chu'vachũ'o asacuhenare Diopi cho'okaiuna jachache'te ũhaso Repau chu'o ũcuarepare asa chēa cuasaa'ju chini pe'kerũ i'kakũ paau.

26 Repanapi jã'aja'ñe cho'oni rūhiñe cuasaju re'oja'che pa'ijanaa'me, vati aipi paaku chũ'ukuna repaũ ũcuauache cu'ache cho'oju pa'isi'ere jɯvomasiju.

*Jesucristo jo'e raipi'rarũtũ pa'ijachere kũatũ*

### 3

1 Ũcuachi'a iere masiche pa'imũ: Jesu-cristo jo'e raipi'rarũmũ rũa pa'ivesache pa'ija'mũ maire.

2 Reparũmũ pãi jainũko meñechi'a chiiju chekũnare cho'okaicuheju kurineeju, "Chekũnare na'a rũa masiũ'mũ chũ'ũ", chiiju ũcuanchi'a meñe pojojũ pa'ijanaa'me. Ũcuachi'a Diore cu'ache i'kajũ, pũka'kũpãi jachajũ, repanare re'oja'che cho'okainare pojoma'ñe ke'reju, Diore pojojũ cho'oche ña pãisoju pa'ijanaa'me.

3 Majarpãijẽ'e cuasamarũ ña oima'ñe cu'ache cutuju, chekũna cho'oche pe'ruju cuhama'ñe cuasaju, repanare cho'oũache cu'a jũvovesuju, chekũnare asi cho'ojũ re'oja'che cho'oche peore si'ache cuhena pa'ijanaa'me repana.

4 Ũcuachi'a rũa joreju repana cu'ache cho'ochejẽ'e cuasama'ñe pa'iju, meñechi'a cuasaju chekũnare cuheju, Dios chiiche cho'ochejẽ'e cuasama'ñe repanare uachechi'a cho'ojũ pa'ijanaa'me repana.

5 Diore pojona cho'ocheja'che joreju cho'ojũ repana cu'ache cho'ocheji Repaũ re'oja'che cho'okaiche'te jachajũ pa'ijanaa'me repana. Jã'aja'ñe pa'inare pãi ja'me pa'imanejũ'ũ.

6 Repana pãi te'ena ku'iju vũñana t'ia romiva'nare vesuva'nare cu'are jũvovesuju ũcuauache cu'ache cho'ojũ vajũchũva'nare joreju peoche'te che'choju pa'inaa'me.

7 Repana romi pãi che'choche si'arũmũ si'ache che'cheju pa'inata'ni jmamakarũjẽ'e Dios chũ'o ũcuarepa asa chẽamanaa'me.



<sup>8</sup> Repana jorena Dios chu'o ũcuarepare cuheju jachaju pa'ime, Janena'me Jambres Moiseni cuheju aperummu ke'resi'ēja'che. Cu'achechi'a cuasanajeju Diore cuasacuhenaame repana.

<sup>9</sup> Jã'ata'ni pãĩ ũcuarepanuko asa chẽamanejanaame repana jorechu'o. Repana jorena cho'oche pãĩ ũcuanuko ña masijanaame, Moise'te cuhesina Janena'me Jambres cu'ache cho'ojũ ña masicojñosi'ēja'che.

*Pablo Timoteo'te jo'e chũ'u jo'kasi'ea'me*

<sup>10-11</sup> Mũ'uta'ni chu'u che'chochu'ore masiku'mũ. Ũcuachi'a chu'u pa'iche peore masiku'mũ, chu'u cho'ora chiiche, chu'u Diore masi cuasache, chu'u pe'kerũ che'chochena'me chu'u chekũnare oiũ re'oja'che cho'okaiche. Ũcuachi'a chu'u cu'ache cho'ocojñokũta'ni Diore cuasache ũhasoma'ñe ũcua cuasaku Repau'te cho'oche cho'okai koka paache masiku'mũ mũ'u. Chu'u Antioquía vũ'ejoopo Iconio vũ'ejoopona'me Listra vũ'ejoopo pa'inare cu'ache cho'ocojñosi'e peore masiku'mũ mũ'u. Repanare rũa cu'ache cho'ocojñokũta'ni Diopi cho'okaiũna re'oja'che pani etajaisi'kũa'mũ chu'u.

<sup>12</sup> Re'oja'che pa'ijũ Jesucristoni masi cuasaju Repau chiichechi'a cho'oũũ chiina pãĩ cu'ache cho'ocojñojanaame. Ũcuarepaa'me jã'a.

<sup>13</sup> Jã'ata'ni cu'ache pa'inana'me jorechu'o che'chona jorejũ, jorecojñojũ si'arummu na'a rũa cu'ache cho'ojũ pa'ijanaame.

<sup>14</sup> Mũ'uta'ni mũ'u che'chocojñosi'ere peore masi cuasaku ũhasoma'ñe ũcua cuasaku pa'ijũ'u. Chũkana'te mũ'ure che'chosinare

masikujeku repachũ'o ũcuarepa pa'iche'te masimũ mu'ũ.

<sup>15</sup> Mu'ũ chĩirũmũna masiche'te Dios chũ'o tocha jo'kasi'ere cuasajũ'ũ. Jesucristo'te cuasajũ jovo Ũcuauña'me si'arũmũ re'oja'che pa'iche'te kuamũ repachũ'o.

<sup>16</sup> Dios chũ'o tocha jo'kasi'e peore Ũcuau kuasi'ejekũ maire che'chochũ'oa'me. Maipi asa cu'ache cho'ochẽ'te ũhasoa'jũ chini kuachejekũ maire re'oja'che pa'iche chũ'vachũ'oa'me.

<sup>17</sup> Mai Diore cuasanapi repachũ'ore asajũ che'chejũ pani re'oja'che pa'iche che'chenajejũ si'ache re'oja'che cho'omasijanaa'me.

## 4

<sup>1</sup> Dios asaku'te ũcuachi'a Jesucristo Pãi Ũcuaukore Chũ'ũkũ Pa'ijau jo'e rani pãi jũnisosinana'me vajũna cho'osi'e peore ro'iche chũ'ujau asaku'te iere chũ'ũ jo'kamũ chũ'ũ mu'ũre:

<sup>2</sup> Dios chũ'o chũ'vache cuhasoma'ñe si'arũmũ chũ'vakũ pa'ijũ'ũ, chũ'vare'orũmũna'me chũ'vacu'ache pa'irũmũ. Pe'kerũ che'chokũ repanapi cu'ache cho'oto pe'ruma'ñe i'kakũ chũ'vajũ'ũ repanare, jo'e cho'oma'ñe Dioni masi cuasajũ vajũchũma'ñe re'oja'che pa'ijũ paapu chini.

<sup>3</sup> Na'a pa'isirũmũ Dios chũ'o ũcuarepa che'choche rũa asacuhejanaa'me pãi. Chũ'o ũcuarepare asacuhejũ repanare uachechi'a asajũ, repana chiichechi'a che'chojũna asajũ pañũ chini che'chonare rũa jainũkore ku'e jñaajanaa'me repana.

4 Dios chũ'o ũcuarepare asacuhejũ rupũ aichũ'ore pãĩ cuasajũ kuache'te asajũ pa'ijanaa'me repaña.

5 Mu'uta'ni si'arũmũ rũhiñe cuasakũ pa'ivesache ti'jñetojẽ'e ũcua re'oja'che pa'iu mũ'upi cho'oa'kũ chini Dios mũ'ure jo'kasi'ere Repaũ chũ'o chũ'vache'te peore masi cho'okũ pa'ijũ'ũ, Repaũ'te cuasamanapi asa chẽa Jesuni cuasajũ jovoa'jũ.

6 Chũ'ure vanisojarũmũ tĩ'añe jmamakarũ karamũ. Dios chũ'o chũ'vakũjekũ chuenisopi'ramũ chũ'ũ.

7 Jesuni masi cuasakũ chũ'ure peore cho'ore'ochetu'ka cho'okũ cu'ache ti'jñecojñokuta'ni Repaũ'te cuasache'te ũhasoma'ñe ũcua cuasakũ re'oja'che pa'iu chũ'upi cho'oa'kũ chini Dios chũ'ure jo'kasi'e peore cho'o pi'nicuhamũ chũ'ũ.

8 Chura chũ'ũ re'oja'che cho'osi'e ro'i Maire Paakũ Re'okũ pãĩ ũcuanũko cho'osi'e ro'iche Repaũ chũ'uumucuse chũ'ure ïsijachere cuasakũ cha'amũ chũ'ũ. Chũ'urechi'a ïsima'ñe Repaũ jo'e raijache rũa cuasajũ pojojũ cha'anare ũcuachi'a ïsija'mũ Repaũ.

*Timoteoji cho'okaũ chini Pablo chũ'ũkũ chũ'vasi'ea'me*

9 Mu'ure peore cho'ore'ochetu'ka cho'okũ na'mi rani ñajũ'ũ chũ'ure.

10 Demas Diore cuasamana pa'iche'te na'a rũa chiiũ chũ'ure jo'ka Tesalónica vũ'ejoopona sanisosi'kua'mũ. Crescenteji Galacia chejana sanisosi'kua'mũ. Titopi Dalmacia chejana saisi'kua'mũ.

11 Lucachi'a ja'me pa'imu chu'ure. Marco'te ku'e jña'a rakaijũ'u. Chu'ure cho'oche rua cho'okaimasiku'mu repau.

12 Tíquico'te mu'u sani pa'ichejana Efeso vu'ejoopona saosi'ku'a'mu chu'u.

13 Mu'u rairumu chu'u Troas vu'ejoopo jo'ka raisikãa chu'u sê'sevu ju'ikãa rakaijũ'u chu'ure, Carpo vu'e jo'kasikãa. Ūcuachi'a chu'u utija'okorovũã rakaijũ'u. Chekuja'o utija'o ūcuachi'a rua chiimu chu'u. Jã'a cavesuma'ne rakaijũ'u chu'ure.

14 Cuna cho'oche cho'oku Alejandro rua cu'ache cho'osi'ku'a'mu chu'ure. Maire Paakuji repau cu'ache cho'osinukoru cu'ache ti'jñe'ne chũ'uja'mu repau'te.

15 Ñarepaku pa'ijũ'u repau cho'oche. Mai chu'vache Dios chu'o rua cuheku chu'vaũsemu repau.

16 Pãi chẽañe chũ'una charo chu'uni soni chu'u cho'osi'ere cuasa ñarumu chu'ure ja'me pa'ina te'eujẽ'e ja'me i'kakaima'ne ūcuanuko jo'ka sanisosinaa'me chu'ure. Jã'ata'ni repa cho'osi'e cuasamanea'ku Dios, chiimu chu'u.

17 Jã'ata'ni reparumu chu'ure Maire Paakuji ja'me pa'iu cho'okaisi'ku'a'mu, chaire ãusoma'ne pa'iu Repau chu'ore ūcua koka paaku masi chu'vakuna judío peonapi ūcuanuko asaju paaru chini.

18 Maire Paaku chu'ure cu'ache cho'oche si'ache peore Ūsekaiu Repau pa'icheja re'ojachejana saja'mu. Si'arumu cuhama'ne pojoju pañu mai Repau'te. Jã'aja'ne paau.

*Chũ'o saokũ re'oja'che i'ka jo'kasi'ere kũamũ*

<sup>19</sup> Priscana'me Aquila'te chũ'o sa kũakaijũ'ũ chũ'ũre, Onesíforona'me repaũ majapãi ũcuachi'a.

<sup>20</sup> Erasto Corinto vũ'ejoopona canũkasi'kũa'mũ. Trófireta'ni jũ'ikũni Mileto vũ'ejoopona jo'ka ranisosi'kũa'mũ chũ'ũ.

<sup>21</sup> Mũ'ũre peore cho'ore'ochetũ'ka cho'okũ chuta'a sũsũrũmũ tĩ'amarũmũna raijũ'ũ icheja. Eubulona'me Pudente, Linona'me Claudia, chekũna mai majapãijana ũcuanũko icheja pa'ina chũ'o saome mũ'ũre.

<sup>22</sup> Maire Paakũji mũ'ũ rekocho'te ja'me paau. Mũsanũkonare ũcuanũkore Diopi rũa re'oja'che cho'okaau re'oja'che paaru chini. Re'omũ.

Pablo

**Koreguaje**  
**Koreguaje: Dios Chu'o Kuaphuro New Testament**  
copyright © 2009 Wycliffe Bible Translators, Inc.

Language: Koreguaje

Contributor: Wycliffe Bible Translators, Inc.

All rights reserved.

2025-05-01

---

PDF generated using Haiola and XeLaTeX on 30 Apr 2025 from source  
files dated 1 May 2025  
87a345ac-83c6-51ad-8750-17a703f38bcc